

Iroun Beretitenti Dieter F. Uchtdorf

Kauoman ni Kauntira n te Moan Beretitentii



Ana Tai te Atua n Tai

T e aine ae arana Christa n te tai teuana e mwakuri n te kambwana n ati ae uarereke. E tangira ana mwakuri.

Bon te bwai ni kamimi bwa te ati ae uarereke ake kaboi nako ae kona n onikiia nakon te bwai teuana ae kamimi—n aron te kaerote, te kabiti, ao bon te kai ae te oke ae moan te bubura.

E tatangiria Christa bwa e na tekateka iaon ana kombiuta ni butimwaei taian oota ao ni kaekai titiraki. Ma n te tai teuana e roko nakolina te tangitang are e a raraoma iai.

“A aki mwakuri taian ati,” ana taeka te tia kabobwai. I kabooi uoua namwakaina n nako ao akea te bwai ae riki.”

“Ko uniki n te tano ae raoiroi ao n tetebokii man angania otan taai? E titiraki Christa.

“I aki, ma I a tia ni karaoa tabeu,” e kaeka te tia kabobwai. I kabooi taian ati. Imwiina, a *kakoauaki* bwa a na rikirake.”

“Ma ko aki uniki?”

“Ni koauana I aki Ai kamiira. Are nanona N na kabarekai baiu.”

E iangoa aron aei Christa ao ni baireia bwa a na koreaki kawai ni kairi i bukin te ununiki. E motikia bwa tera ae na riki bwa te moan kawai: “Ko riai ni irii kaetieti ibukin karikakin taian ati. Ko aki kona ni katokai iaon te raubaba ao ni kantaningai bwa a na bwebwe.”

E aki rangi ni maan imwain teuana riki te tangitang are e raraoma iai.

“A aki bwebwe taian ati,” ana kaeka te tia kabobwai.

“Ko uniki n te tano ae raoiroi?” E kaeka Christa “Ko anganiiia mwaitin te ran ae riai ao otan taai?”

“O, eng,” e kairoro te tia kabobwai. “I karaoi akanne ni kabane— n aekan raoi are koreaki iaon te bakete. Ma a bon aki bwebwe.”

“Iai te bwai ae riki? A bwebwerake?”

“Akea te bwai ae riki,” e taku te tia kabobwai. “I unikii n aron are a taekinaki. I a tia ni kantaningaia bwa a na reke ara tomato ibukin ara katairiki. Ngkai I a bon rangi n nanokawaki”

“Tataninga” ana kaeka Christa. “Ko atonga bwa ko uniki taian ati n te bong aei?”

“Tai burababa,” ana kaeka te tia kabobwai. “I uniki teuana te wiki n nako. I aki kantaningaia bwa N na noori tomato n te moan bong, I taotaona nanou. N na tuangko, e mwaiti tebokakiia n te ran ao n tataninga imarenan te tai anne ao ngkai.”

E ataia Christa bwa e a tia n ikota riki teuana te kawai ni kairi: “Taian ati aikai a ira tuan te rabakau iaon baika maiu. Ngkana ko unikii taian ati n te ingabong ao ni kantanninga kanakin te tomato rimwi n te wiki are imwiina, ko na bon rang n aki kukurei. Ko na taotaona nanom ao n tataninga ibukin te mwakuri iaon baika a na riki n akea te bwai ae ko na karaoia nako iai.”

A nakoraoi bwaai ni kabane ni karokoa ae e a manga karekea te tangitang riki teuana Christa.

“I rangi n aki kukurei n am ati,” e kaeka te tia kabobwai.

"I uniki n aron are taekinaki n te bakete. I anganiiia te ran, ao ni kakoaua bwa iai otan taaikoia, ao n tataninga ni karokoa a kaoti uaia."

"E taraa n ae ko karaoa te bwai ae eti," e taku Christa.

"E rangi n tamaroa anne," e kaeka te tia kabobwai. Ma tera ae I karekea bon te uanikai ae zucchini!"

"Au rekoti e kaotia bwa bon akanne taian ati aika ko kaboi," e taku Christa.

"Ma I aki tangiri zucchini; I tangiri baukin!"

"I aki oota."

"I unikii taian ati inanon au o ni baukin—ni bon te tano are I karekei baukin iai n te ririki ae nako. I tangiri baukin ni katoabong, man taetae nakoia bwa a na riki bwa baukin aika a na tamaroa. Ma n onei, mwiia baukin aika mwaiti man aoranti ao ni mronron, I a karekei zucchini aika ana-nau, man kiriin. Moan te mwaiti!"

E ataia Christa bwa aki batu n tau kawai ni kairi ao e riai kaotan te reirei: "Te ati ae ko unikia ao tain unikakina e kaota ana tai ni ua."

Tuan te Tai

E reirei Bauro aron Ana tai te Atua:

"Tai mwamwanaki; E aki kona ni mwamwanaaki te Atua: bwa te bwai ae unikia te aomata, e na anaa uaana.

"Bwa ane kamae ni ununiki nakon rabwatana ao e na anaa te mate man te rabwata; ao ane kamae ni ununiki nakon te Tamnei ao e na anaa te maiu are aki toki man te Tamnei.

"Ma a na tai toki nanora ni kakaraoa ae raoiroi bwa ti a bon tai anai uaa n te tai ae riai ngkana aki bware nanora" (I-Karatia 6:7–9).

N taai aika tibwa nako, E a tia te Uea n anganiira raon te rabakau ao te atatai inanon te tua ae aki bibitaki aio:

"Iai te tua, ae tautaekanaki n aki toki i karawa imwain karikan aonaaba, ake a bane n anaaki iai taian kakabwaia—

"Ao ngkana ti karekea te kakabwaia teuana mairoun te Atua, bon man te ongeaba nakon te tua are e aanaki iai" (D&C 130:20–21).

Te bwai are ti unikia, ao ti na manga kinika uaana.

Ana tai n tai te Atua e aki kona ni iangoaki. Nakoia ake a Karinea, A na roko nakoia kakabwaia aika mari "ni mwaitina ae riai, ae e ibe, ae takaruru, ao ae takaburinako . . . Bwa e na manga baire te aba nakoimi n te baire are kam babaire iai."(Ruka 6:38).

N aiaron taian ati i aontano a tangira te mwakuri ao te tataninga, ao ai aekana naba ma kakabwaia mai karawa. Ti a ki kona ni kaaki ara aro iaon te raubaba ao ni kantningaia bwa ti na karekei kakabwaia n tamnei. Ma ngkana ti ununiki ao ni kawakin ana kainibaire te euangkerio inanon maiuia ara utu ni katoa te bong, a na iai te kona ae korakora bwa ara ataei a na rikirake ao ni karekea uaan te tamnei ae korakora manenana nakoiai ao nakon rooro aika a na roko.

Ana kaeka te Atua nakon ara tataro a aki roko ni wae-tata—n taai tabetai a bon aki kaoti naba teutana—bwa te Atua E ataa te kabanea n tamaroa ibukiia Natina. Te koaua raoi, n te bong teuana ti na nooraba raoi; ao n te bong arei ti na noora te tamaroa ao te akoi mai karawa.

Ni karokoa te tai anne, ara kouru ao kukureira ae batu bon te karaoa ana katoto ara Mwatita ao te Tia Kamaiu ao ni maiuakina ae tamaroa ao ni kaitiaki maiura n te aro areti na ata ana kakabwaia te Atua aika a kea booia a kona n reke bwa ara bwai.

Te bwai are ti unikia, ao ti na manga kinika uaana.

Bwa anne tuan karawa.

Bwa anne tuan Ana tai n tai te Atua.

REIREI MAN TE RONGORONGO AEI

Maroroakinna ma naake ko kawariia bwa e kangaa ana tua te Atua n tau nakon te reitaki, te kakarabakau ao te kaotioti, ke kouru ibukin mwakuri ao reirei. Ko kona ni wareware ao ni kataua te boki ae tabu are kaineti nakon te tua n aiaron Taeka n Rabakau 11:18; 2 I-Korinto 9:6; ao Aramwa 32.Kaungaiia ni manga rinanon kouru mai mwaina ao ni manga katei aia kouru ni karekea otinakona ae te raoiroi. Buokiia ni karikirakea aia babaire ni karaoa ae ti te arona bwa aonga n roko n aia mwakuri ae teimaan taina.

ATAEI

Baronga Am Tai n Tai

Ana Tua te Atua ibukin te tai bon ngkana ti tangira te bwai teuana rimwi, ti mwakuria ma ngkai. Ngkana ti kan unika te onaroka, ti kainnanoa unikan taian ati, ao n tebokii, ao ni kamanoi man uteute. Ngkana ti aki karaoa aio, ti na aki kona n tai rimwi!

Inano bon rinanin "uaanikai" aika raraoi aika ko na tangiri ni maium. Korei bwaai tabeua ake ko kona ni karaoi n te namwakaina aei bwa ko aonga ni karekei kakabwaia aikai.

- Te Mweenga ae kakukurei
- Te Reirei
- Raao aika Raraoi
- Bwabetito ao te Kamatoa
- Ana Kakoaua Iesu Kristo

© 2014 ioun Intellectual Reserve, Inc. A bane n tauaki mwiin taian kariaia ibukin katootongana. Boretiaki i USA. Kariaiakaki n te Ingiriti: 6/14. Kariaiakaki rairana: 6/14. Rairan te *First Presidency Message, August 2014*. Kiribati (Gilbertese) .10868 859



Ana Mwakuri lesu Kristo ae Tabu: Te Mesia

Kakorakora te tataro ni kamatebwaiān te bwai aio ao ukoukoria bwa ko aonga n ataia bwa tera are ko na tibwauaia. E na kanga otam ni karikirakea Onimakinan te Tia Kamaiu iroum n ana mwakuri ao ni kakabwaia ake ko tararuāia rinanaon te reirei ni kakawari? Ibukin rongorongona riki, nakon www.religionsociety.lds.org

Onimaki, Utu, Buoka

*Aio mwakoron Rongorongan te Kakawari
n Reirei are e kaota mwakoron ana
mwakuri te Tia Kamaiu.*

Areireiniira booki aika tabu bwa Ati kona ni maeka irarikin te Atua “rinanon mwakuri aika raraoi, te akoi, ma ana nanoanga, ao ana akoi te Mesia ae Tabu” (2 Nibwaai 2:8). *Mesia* te Aramaiki taetaen Ebera are nanona te ‘kabiraki’ . . . Inanon te Nu Tetamenti E aranaki Iesu bwa te Kristo, are te taetae n Erene ni boraoi ma *Mesia*. E nananaki bwa te Burabeti, te Ibonga, te King, ao te Tia Kamaiuira.”¹

Elder Jeffrey R. Holland n aia Kooram Abotoro Ake Tengaun ma Uoman e kakoaua: “I ataa [Iesu Kristo] bwa bon Temanna ae Kakanato mai Iteraera, te Mesia are n te bong teuana e na manga roko ni kabanean mimitongina, n tau-taeka i aonteaba bwa aia Uea uea ao aia King king. I ataa bwa akea riki te ara teuana i aan karawa are a kona ni kamaiuaki iai te mwane [ke te aine].”²

“[Iesu Kristo] bon te Tia Kamaiu ao te Tia kabooa te aonaaba,” ana taeka Beretitenti Dieter F. Uchtdorf, Kauoman ni Kauntira n te Moan Beretitentii. “Bon te Mesia are e a tia ni beritanaki. E maiuakina te maiu ae kororaoi ao e mate ibukin ara bure. E na mena irarikira. E na buaka n ara buaka. Bon tii Ngaia ara kantaninga. Bon ara tia kamaiu; Bon Ngaia te kawai.”³

Booki Riki aika Tabu

Ioane 1:38–41; 4:25–26, 40–42;
2 Nibwaai 6:13; 25:16–17

Man Koroboki aika tabu

Ana reirei Kristo a tia ni kakoaua Ana mwakuri bwa te Mesia. Maria te I-Mwaketara bon ana reirei Iesu Kristo. Boni ngaia te moan n noora “te atibu ni kanakoaki man te nne ni mate” ni ingbongin Utin Kristo. E tei n te nne ni mate man tang ngke e kunea bwa akea Rabwatana inanon te nne ni mate.

E rairaki ao e “nora Iesu n teitei,

ao e aki ataia bwa bon Iesu arei.

“E taku Iesu nakoina, te Aine, bukin tera ko tang? antai ae kam kakaaea? Neierei, e taku bwa ngaia te tia uniuniki, e taku nakolina, Nao, ngkana boni ngkoe ae ko uotinakoa tuangai ike ko kawenea iai, ao N na anaia.

“E taku Iesu nakoina, Maria. E rairaki ao e taku nako Ina, Rabboni; ae ai aron ae te tia, Reirei” E kina Maria bwa tiaki te tia kawakina te nne ni mate bwa bon Iesu Kristo, te Mesia. Taraa Ioane 20:1–17.

BWAI AIKA A NA TARAKI

1. Kairi nakon Booki aika tabu, “Mesia,” scriptures.lds.org.
2. Jeffrey R. Holland, “Te Atua ae Koaua ao Iesu Kristo are E a tia ni Kanakoa.” *Riaona*, Nov. 2007, 42.
3. Dieter F. Uchtdorf, “Kawaia Ana Reirei,” *Riaona*, Meei 2009, 78.

Iangoa Aei

Bukin tera bwa e bongana atakin ana mwakuri te Tia Kamaiu bwa te Mesia?